

И тако сидя на оном древе весма себе смирился и горко о содеянных им
своих грехах тяжких прослезился.

Мытаревым гласом в себе подражая: «боже милостив буди мне грешному»,
взываяи.

«Согреших, господи, на небо и пред тобою, да буди воля твоя святая и со
мною.

Точию не отрини мене во многия грехи впадша, и никогда же от покаяния
моего не оставша».

И глядяше кур прекрасный семо и овамо, и не веды себе водворитися камо.
Зане един никогда не живяше и того ради сумнителен бяше.

И тако он на древе многое время сядяше и на вся страны умилно зряше.

И абие нечаянно мимо того древа лисица идяше, где оная потребу себе
имяше.

Кур же видя ея встрепехнулся (л. 109), мало возвеселился, и от уныния
забывся толко пошевелился.

Лисонка же послышавши опасно остановилась и на вся страны осмотрилась.

Потом же возвед око свое ясное на курово древо прекрасное,

И виде ево кура печална суща, слез полны очи имуща,

Познавши ево, борзо к нему притече и весма радосным гласом к нему
рече:

«О курушко, мой друг и приятель, и великий благодетель и питатель!

Откуды ты взялся, моя радость, и кто тя принес сюды, моя сладость?

Ты ли еси, о куре, чадо мое¹ любезное, почто так видение твое слезное?

Отвещай мне, ты ли, утешение мое доброгласное, или стень мне
кажется, о чадо мое прекрасное?

Ах, курушка, чего ты ради в пустыню сию вселяешия, и в красоте своей
велми изменяешия?

Рцы ми, любезное мое чадо, красоту ли пустынную назираеши, или от каких
бед себя избавляеши?

О чадо мое, нас ли зверей видети желаеши, или в сей пустыни купнаго
жителя себе избираеши?

Душу ли свою от грехов спасаеши, что многия слезы проливаеши?

Или некую страсть от себя на время отсекаеши, понеже неслыхано zde нам
являеши?

(об.) Повеждь ми, чего ради един тако обитаеши, и почто тако велми себя
утруждаеши?

¹ Разрядкой отмечены в издании стилистические совпадения стихотворной редакции с прозаической.